

# SCRIPTA

---

**Numéro Scripta :** 748

**Auteur(s) :** Gilbert Gosselin, d'Eu [particulier]

**Bénéficiaire(s) :** Le Tréport, Saint-Michel (abbaye)

**Genre d'acte :** charte

**Authenticité :** non suspect

**Datation :** 1255, mai

**Action juridique :** donation

**Langue du texte :** latin

## Analyse

Donation à l'abbaye d'une rente de six sous, par maître Gilbert Gosselin, d'Eu

## Tableau de la tradition

### Éditions principales

a. Laffleur de Kermaingant Pierre, *Cartulaire de l'abbaye de Saint-Michel du Tréport (ordre de Saint-Benoît)*, Paris, Didot, 1880, n° CXCI, p. 210-211.

Texte établi d'après a

Omnibus Christi fidelibus presentes litteras inspecturis magister Gilbertus Goscelini de Augo, quondam Willelmi Goscelini filius, salutem in Domino. Noverit universitas vestra quod ego, pro salute anime mee, antecessorum meorum et heredum meorum, dedi et concessi in puram et perpetuam elemosinam Deo et beato Michaeli de Ulteriori Portu, et monachis ibidem Deo servientibus, sex solidos annui redditus quos percipere consueveram annuatim ad duos terminos, videlicet tres solidos ad Natale Domini, et tres solidos ad Pascha, in domo illa quam quondam tenuit Laurentius Maledenrée, et quam modo tenet Ricardus Page et Sara, uxor ejus, in burgo Ulterioris Portus, sitam inter domum Thome Aleissi, carnificis, ex una parte, et domum que fuit quondam Durandi Ruffi, carnificis, ex altera parte, sicut ex omni parte se proportat ; tenendos et habendos dictos sex solidos dictis monachis libere et pacifice, sicut aliqua elemosina liberius et quietius teneri potest et haberi, ad terminos statutos. Et sciendum est quod ego, dictus magister Gilbertus, et heredes mei dictam donationem et saisinam, quam de dictis sex solidis dictis monachis feci, contra omnes tenemur garantizare. In cujus rei testimonium, presenti scripto sigillum meum apposui, volens hanc donationem inviolabiliter observari. Actum anno Domini M<sup>o</sup>. CC<sup>o</sup>. quinquagesimo quinto, mense maio. Testibus hiis : magistro Philippo, presbitero de Brunvilla, Johanne, presbitero de Ulteriori Portu, Goscelino Triket, Gaufrido de Capella, Petro Morel et aliis.